



Universitätsbibliothek Paderborn

**Cornelii Jansenii Iprensis Episcopi Augustinus Europaeus
Perperam Dictus**

Wavre, Philippus van

Antverpiae, 1709

Sect. IV. Christus mortuus juxta S. Aug. pro reprobis judæias reprobat
impiam lansenianam.

urn:nbn:de:hbz:466:1-39351

DE PROPOSITIONE V. 497

tionem sceleris tui, & donec Sanguis Christi pro omnibus funderetur infamis lethi dispendium distulisses.

Indulgentiam tamen non est adeptus: *Quoniam perditionis filius, cui diabolus stabat à dextris, prius in desperationem transit, quam Sacramentum Christus generalis redemptionis impleret: nam mortuò pro impys omnibus Dominò, potuisset fortè hīc consequi remedium, si non festinasset ad laqueum.* S. Leo serm. II. de pass.

SECTIO IV.

Christus pro salute reproborum Iudeorum passus & mortuus, juxta S. Augustinum reprobat impiam Iansenianam.

A Juda reprobo, quem clementia Salvatoris ad pœnitentiam invitavit, salus pulsavit, vita ad vitam revocavit, ut loquitur S. Leo serm. 7. de Pass: Et qui, notante Augustinō Personam Judæorum qui oderant Christum sustinuit, transitum facio, ad perfidos Judæos, quia nec istorum salutem neglexit Christus, sed sitivit, Aug. in ps. 108. dilexit, quæsivit. *Nostis, quibus dolis egerint;* quemadmodum discipulum pecuniâ corruperint, ut sibi traderetur; *quomodò falsos testes procuraverint,* quomodò insidijs & dolis egerint, ut sagittarent in abscondito immaculatum. *Magna iniqüitas!* O! dum cor! occidere velle hominem qui mortuos suscitabat, repente, id est, insidiosè quasi inopinatè. Illos mors occidit, quia noluerunt occidere iniqüitatem.

Rebellaverunt contrà Dominum, qui si rebellassent contrà delectationes malas, suam malam invidentiam vincerent, nec vincerentur ab eo, & esset illis Dominus Salvator qui venerat ut sanaret; nunc autem favorunt febri, repugnaverunt MEDICO. *Quidquid in ps. 63.* Tract. 12. in Ioan.

498 LIBER SEXTUS

Juggerébat febris, faciebant. Quidquid jubebat con-
In Pal. 63. irà MEDICUS, negligebant. Ergò illi magis occisi
sunt, non Dominus. Nam in Domino mors occisa
est, in illis vixit.

Quantum in medico fuit, sanare venit ægrotum.
Tract. 12. Pertulit superbos Dominus MEDICUS ÆGROTON.
De illis Augustinus asserit: Peccatum vestrum ma-
net. Quare? quia dicendo, videmus: MEDICUM
non queritis, in cætitate vestra remanetis. Erat
ergo & istorum Medicus, non sicut dæmonum:
Volebat ergo & illos sanare Medicus.

Populi tamen spernentes per superbiam suam hu-
militatem Dei, Crucifixérunt SALVATOREM suum,
& fecerunt Damnatorem suum. En Titano in jubare
eundem reproborum judæorum Salvatorem simul
ac Damnatorem. Damnatorem, quià dignos pu-
nit, Salvatorem quià salutem, quantum in Me-
dico fuit, adferre voluit.

Non est ergo consentaneum Principiis S. Au-
 gustini, quod Christus passus, sit pro salute repro-
 borum plus quam diaboli? Si pro salute eorum,
 quos noverat non salvandos, nil egit, nihil per-
 tulit, nihil oravit, nihil expendit, unde eorum
 Salvator dictus est? Unde Medicus, si nil medelæ
 contulit ægris?

Igitur mortuus est pro omnibus, etiam pro eis
 à quibus crucifixus est. Quapropter tamquam
 Medico & Salvatori ingratissimis in judicio impro-
 peratus est: *Agnoscitis latus quod pupugistis,*
quoniam per vos & propter vos apertum est, nec ta-
mén intrare voluistis.

L. 2. de Sym.
 ad Cathec.
 cap. 8.

Simili reprobum damnatumque hominem,
 non diabolum, verbi acinace percellet Salvator
 atquè Damnator Christus, eodem Augustinô Præ-
 cone, suscepit dolores tuos, ut tibi gloriam darem.
 Cur, quod pro te pertuli, perdidisti? Cur ingrate
 Redemptoris tui Munera renuisti?

Serm. 69.
 de tempore.

Et

DE PROPOSITIONE V. 499

Et quid improperia Nomine Salvatoris quotannis decantata in die Parasceves indicatum volunt, nisi quod Majores Perfidorum Iudæorum, quos nunc optat conversos Mater Ecclesia, Salvatorem suum tantis opprobriis atque suppliciis affecerunt? Fecerunt ergo Salvatorem suum damnatorem suum. Quosdam tamen, quos à Patre electos noverat Salvator, elegit è Crucifixoribus suis, quorum salutem ardenter siti avebat, conversionemque oratione suâ impestravit.

Sitio aiebat, & datò acetò, minus fecisti. Date Tract. 110.
quod estis. Iudei quippe erant acetum degenerantes à in Ioan.
Vino Patriarcharum & Prophetarum, & tamquam de vase pleno de iniuritate mundi hujus impleti cor habentes velut spongiam cavernosiss quodammodo atque tortuosiss latibulis fraudulentum. Sitiebat ergo Christus Iudeos, id est, salutem eorum. Faciebas ista populus impius, patiebatur ista Misericors Christus. Qui faciebat, quid faceret, nesciebat. Qui patiebatur autem, quid fieret non solum & cur fieret sciebat; verum etiam de male facientibus bene ipse faciebat. Fuisus est Sanguis medici, & factus est medicamentum phrenetici. Et quibus efficaciter voluit ignosci, mutari illos voluit, ex inimicis fratres facere dignatus est & verò sic fecit. Occisus est, se- Tract. 5:
pultus est, in cælum ascendit, Spiritum Sanctum in Epist. misit, cooperunt cum fiducia prædicare nomen ipsius, Ioan.
& qui Sanguinem ejus sæviendo fuderunt, credendo biberunt. Miracula faciebant in nomine Crucifixi.

Hos singulariter dilectos à Patre dilexit im- Tract.
pios, ut faceret justos, dilexit agrotos, ut faceret 9. in Epist:
anos.

Sed numquid non dilexit eos, de quibus legimus:
Deleantur de libro Viventium & cum Justis non scribantur? Fecerunt illi, ut dictum est, Salvatorem suum damnatorem suum.

I i 2

Et

500 LIBER SEXTUS

L. 2. de Et quid egit insana impietas Iudeorum , quia
Symb. c. 6. invitati non solum venire noluerunt , sed insuper
Sponsum occiderunt ?

Ideò inhortatur Catechumenos Augustinus :
Festinet unusquisque cum vivit , ut vivat , currat ,
ut ejus pretioso sanguine redimatur , ne cum
fuerit de numero Redemptorum , in numero maneat
perditorum . Si fiant homines de numero perdito-
rum qui erant de Numero Redemptorum , igitur
Christus se redemptionem dedit etiam in salutem
perditorum . Redemptio enim apud Augustinum ,
interprete Jansenio , etiam salutis intentionem
involvit .

Si fieri non possit , ut , pro quo sanguinem Christus fudit , non assequatur istius mortis effectum , ut contendit Jansenius ; ergo vel nulli damnati sunt Iudei ut Crucifixores Salvatoris , vel habebunt quod Christo judici vulnera sua objicienti respondeant : occidimus hominem justum & Sanctum , sed non Salvatorem nostrum , ut potè qui non venisti nisi in salutem pati electorum tuorum : pupugimus quidem latus , sed intrare non potuimus , non enim pro salute nostrâ atquè conversione plus à te effectum est , quam pro diaboli , cuius ministri fuimus . Non meruimus ergo facere Salvatorem nostrum Damnamorem nostrum .



SEC-